



Broj: 05/2-11/3-1416-5/24

Velika Kladuša, 13.09.2024. godine

Na osnovu člana 69., člana 70. i člana 72. stav (3) tačka a) Zakona o javnim nabavkama BiH („Službeni glasnik BiH“, broj: 39/14, 59/22 i 50/24) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu konkurentskog zahtjeva za nabavku usluga osiguranja zaposlenih lica, vozila i imovine Općine Velika Kladuša (3 lota), a po preporuci Komisije za javne nabavke, Općinski načelnik Općine Velika Kladuša, donio je

ODLUKU

o dodjeli ugovora drugorangiranom ponuđaču za LOT 1: Nabavka usluge osiguranja zaposlenih lica Općine Velika Kladuša

1. Stavlja se van snage Odluka o dodjeli ugovora broj: 02/2-11/3-1416-1/24 od 21.08.2024. godine, te se ugovor o javnoj nabavci usluge osiguranja zaposlenih lica Općine Velika Kladuša, dodjeljuje drugorangiranom ponuđaču **ASA CENTRAL OSIGURANJE d.d. Sarajevo, sa konačnom cijenom od 2.732,00 KM bez PDV-a.**
2. Po pravosnažnosti ove Odluke Ugovorni organ dostavit će na potpis prijedlog ugovora izabranom ponuđaču.
3. Ova Odluka dostavlja se svim ponuđačima u postupku javne nabavke, u skladu sa članom 71. stav 2. Zakona o javnim nabavkama i objavit će se na službenoj web stranici Općine Velika Kladuša.

Obrazloženje

Na osnovu Plana javnih nabavki Općine Velika Kladuša za 2024. godinu, broj: 05/2-11/3-889/24 od 17.04.2024. godine, pokretnut je dana 08.07.2024. godine postupak javne nabavke usluga osiguranja zaposlenih lica, vozila i imovine Općine Velika Kladuša (3 lota).

Javna nabavka provedena je putem konkurentskog zahtjeva za dostavljanje ponuda, a kao kriterij za dodjelu ugovora odabrana je najniža cijena tehnički zadovoljavajuće ponude. U skladu sa članom 35. Zakona o javnim nabavkama BiH („Službeni glasnik BiH“, broj: 39/14 i 59/22) Obavještenje o javnoj nabavci broj: 299-7-2-20-3-36/24 objavljeno je na Portalu javnim nabavki (ejn.gov.ba), dana 12.07.2024. godine.

Krajnji rok za dostavljanje ponuda bio je 14.08.2024. godine do 12:00 sati, a javno otvaranje ponuda izvršeno je 14.08.2024. godine u 12:15 sati, što je kostatovano Zapisnikom sa otvaranja ponuda od 14.08.2024. godine.

Komisija za javne nabavke u Zapisniku o pregledu i ocjeni ponuda broj: 05/2-11/3-1416/24 od 14.08.2024. godine konstatovala je da je Tendersku dokumentaciju preuzelo 10 (deset) ponuđača, a da su nakon isteka krajnjeg roka za dostavljanje ponuda za LOT 1 – Nabavka usluge osiguranja zaposlenih lica Općine Velika Kladuša, pristigle 4 (četiri) ponude od strane ponuđača, i to:

1. ASA CENTRAL OSIGURANJE d.d. Sarajevo, sa ponuđenom cijenom od 3.894,00 KM bez PDV-a,
2. ADRIATIC OSIGURANJE d.d., sa ponuđenom cijenom od 3.960,00 KM bez PDV-a,
3. SARAJEVO OSIGURANJE d.d. Sarajevo, sa ponuđenom cijenom od 3.960,00 KM bez PDV-a i
4. TRIGLAV OSIGURANJE d.d., sa ponuđenom cijenom od 3.300,00 KM bez PDV-a.

Nakon izvršenog otvaranja ponude Komisija je pristupila analizi dokumentacije priložene uz ponude u smislu njihove validnosti, obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Analizom dokumentacije dostavljene uz ponude Komisija je utvrdila da ponude svih ponuđača ispunjavaju formalno-pravne i tehničke zahtjeve Ugovornog organa, te su kao takve prihvatljive i mogu biti predmet vrednovanja u sistemu e-aukcije. E-aukcija koja je predviđena u ovom postupku nabavke zakazana je za 19.08.2024. godine. Uvidom u

Izvještaj o toku i završetku e-aukcije od 19.08.2024. godine utvrđeno je da je ista trajala od 10:00 do 10:40 sati, te da je konačna rang lista ponuđača koji su učestvovali u e-aukciji slijedeća:

1. ADRIATIC OSIGURANJE d.d, sa konačnom cijenom od 2.730,00 KM bez PDV-a,
2. ASA CENTRAL OSIGURANJE d.d. Sarajevo, sa konačnom cijenom od 2.732,00 KM bez PDV-a,
3. SARAJEVO OSIGURANJE d.d. Sarajevo, sa konačnom cijenom od 2.885,00 KM bez PDV-a i
4. TRIGLAV OSIGURANJE d.d., sa konačnom cijenom od 3.300,00 KM bez PDV-a.

Komisija je u svom Zapisniku o pregledu i ocjeni ponuda nakon provedene e-aukcije broj: 05/2-11/3-1416/24 od 20.08.2024. godine dala preporuku Općinskom načelniku Općine Velika Kladuša da se ugovor za nabavku usluge osiguranja zaposlenih lica Općine Velika Kladuša (LOT 1) dodijeli ponuđaču ADRIATIC OSIGURANJE d.d, sa konačnom cijenom od 2.730,00 KM bez PDV-a, odnosno da da saglasnost na Izvještaj radi provođenja daljnjih aktivnosti na realizaciji postupka nabavke u skladu sa odredbama Zakona i općih akata.

Općinski načelnik donio je 21.08.2024. godine Odluku kojom se ugovor o javnoj nabavci usluge osiguranja zaposlenih lica Općine Velika Kladuša dodjeljuje ponuđaču ADRIATIC OSIGURANJE d.d, sa konačnom cijenom od 2.730,00 KM bez PDV-a, koja je dostavljena svim ponuđačima u postupku javne nabavke.

Tačkom 3.1.8. Tenderske dokumentacije određeno je da dokumenti navedeni u tački 3.1.4. (lična sposobnost ponuđača) moraju biti zaprimljeni kod ugovornog organa u roku od 5 (pet) dana od dana prijema Odluke o izboru najpovoljnijeg ponuđača, u radnom vremenu ugovornog organa najkasnije do 16:00 sati, te za ugovorni organ nije relevantno na koji su način dostavljeni (lično, poštom itd).

Ponuđač ADRIATIC OSIGURANJE d.d zaprimio je 30.08.2024. godine Odluku od dodjeli ugovora broj: 05/2-11/3-1416-1/24, te od dana zaprimanja Odluke do danas nije dostavio dokaze o ispunjavanju uvjeta iz člana 45. Zakona (lična sposobnost ponuđača).

Članom 72. stav (3) tačka a) Zakona o javnim nabavkama BiH propisano je: „Ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti originale ili ovjerene kopije dokumentacije iz čl. 45. i 47. ovog zakona, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ.“

Budući da je izabrani ponuđač ADRIATIC OSIGURANJE d.d zaprimio 30.08.2024. godine Odluku od dodjeli ugovora broj: 05/2-11/3-1416-1/24, a do danas nije dostavio dokaze o ispunjavanju uslova iz člana 45. Zakona), kako je definisano tenderskom dokumentacijom, cijeneći naprijed navedene zakonske odredbe, odlučeno je kao u dispozitivu Rješenja.

Cijeneći navedeno, na osnovu odredaba Zakona o javnim nabavkama BiH, odlučeno je kao u dispozitivu Rješenja.

UPUTA O PRAVNOM LIJEKU: Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 5 (pet) dana od dana kada je primio Odluku, odnosno Obavještenje o dodjeli Ugovora. Žalba se podnosi Ugovornom organu, kao prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.

DOSTAVITI:

1. Učesnicima u postupku, 4x – na znanje,
2. Služba za upravu, društvene djelatnosti i zajedničke poslove (web stranica),
3. U spis,
4. a/a.

OPĆINSKI NAČELNIK
Fikret Abdić, dipl.ing.

